

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SREBRENİK  
Općinski načelnik

Broj: 07- 294 /17

Datum: 06.03. 2017. godine

Na osnovu člana člana 38. Statuta općine Srebrenik („Sl. glasnik općine Srebrenik“, broj: 1/08), člana 5. Odluke o korištenju javnih površina („Sl. glasnik općine Srebrenik“, broj: 4/09, 2/12, 2/14 i 3/16) i odredbi Regulacionog plana „CENTAR“ Srebrenik („Sl. glasnik općine Srebrenik“, broj: 3/15), Općinski načelnik r a s p i s u j e :

## K O N K U R S

za prikupljanje ponuda za zakup javnih površina radi postavljanja ljetnih bašta u ulici Alije Izetbegovića u Srebreniku

### I PREDMET KONKURSA

Predmet konkursa je prikupljanje javnih ponuda za zakup javnih površina radi postavljanja 2 (dvije) ljetne bašte sezonskog karaktera u pješačkoj ulici Alije Izetbegovića u Srebreniku, kako slijedi:

1. Lokacija broj 1. je kod sahata lijevo gledajući od bašte prema istom, dimenzija 5,0 x 7,3m, površine 36,50 m<sup>2</sup> i

2. Lokacija broj 2. je kod sahata desno gledajući od bašte prema istom, dimenzija 5,0 x 7,3m, površine 36,50 m<sup>2</sup>.

Predmetne lokacije se daju u zakup na period od 6 mjeseci, tj. april - septembar 2017. godine.

### II NAKNADE

Najniža ponuđena cijena naknade za zakup javne površine radi postavljanja ljetnih bašti ne može biti manja od 5,00 KM/m<sup>2</sup> ljetne bašte za 1 (jedan) mjesec.

### III OBAVEZE ZAKUPCA

Obaveze zakupaca koji steknu pravo postavljanja ljetnih bašti na predmetnim lokacijama su slijedeće:

- da u roku od 7 dana od dana konačnosti Zaključka o spovedenom Konkursu, izvrši uplatu cjelokupnog iznosa zakupa postignutog na konkursu, te sa Općinskim načelnikom u roku od 15 dana od dana sprovedenog Konkursa, zaključi ugovor o korištenju javne površine.
- da obezbijedi minimalno-tehničke uslove za obavljanje djelatnosti ugostiteljstva kao što su sanitarni čvor, šank i sl. u nekim od obližnjih poslovnih prostora,
- da usaglasi izgled ljetne bašte sa nadležnom službom po pitanju izgleda i materijala stolova i stolica, vrste suncobrana, šanka i sl.

### IV KRITERIJ ZA VREDNOVANJE PONUDA

Prilikom vrednovanja ponuda od strane konkursne Komisije, kao najpovoljnija ponuda za postavljanje privremenih ljetnih bašti vrednovat će se ona ponuda čija ponuđena cijena zakupnine bude najveća, a u slučaju istih ponuda, prednost ima onaj ponuđač koji je eventualno predmetnu javnu površinu koristio u prethodnoj sezoni.

## V USLOVI KONKURSA

Na konkursu za postavljanje otvorenih ljetnih bašta mogu učestvovati sva pravna i fizička lica koja ispunjavaju uslove iz ovog oglasa.

Prijave na Konkurs se podnose pismenim putem i moraju sadržavati slijedeće:

- ovlaštenje za zastupanje na javnom nadmetanju ukoliko se radi o pravnom licu, te punomoć za fizička lica u slučaju kada nisu lično prisutna,
- izjavu ovjerenu od strane nadležnog organa, da će prihvatiti sve uslove vezano za izgled ljetne bašte date od strane nadležne Službe,
- dokaz da ima obezbijeđen sanitarni čvor u nekom od obližnjih poslovnih prostora (saglasnost vlasnika prostora),
- potvrdu o uplati depozita na račun Općine Srebrenik u iznosu od 100,00 KM,
- ponudu sa ponuđenom cijenom mjesečne zakupnine.

NAPOMENA: Lice koje stekne pravo za korištenje ljetne bašte prije otpočinjanja sa radom iste dužno je pribaviti odgovarajuće rješenje o registraciji za obavljanje ugostiteljske djelatnosti.

Ukoliko zainteresovani zakupci žele da učestvuju u nadmetanju za obje lokacije navedene pod tačkom I. ovog konkursa, obavezni su uplatiti depozit i podnijeti prijavu sa ponudom za svaku lokaciju pojedinačno. Plaćanje depozita izvršiti na račun Općine broj: 132150 029 928 0097, vrsta prihoda 722-461 ili na blagajni računovodstva Općine Srebrenik.

Prijave se podnose na posebnom obrascu, koji se uz obrazac ponude može preuzeti u prostorijama Službe za prostorno uređenje i zaštitu okolice općine Srebrenik, uz predodčenje uplate depozita u naprijed navedenom iznosu.

Prijavu na konkurs treba dostaviti u zatvorenoj koverti na adresu: Općina Srebrenik, Stručna služba Općinskog načelnika, ul. Varoških Polja, 75350 Srebrenik, putem pošte ili na šalteru pisarnice Općine Srebrenik, sa naznakom "ne otvaraj – konkurs za ljetne bašte", najkasnije do 17.03.2017. godine, (petak) do 16,00 sati.

## VI OSTALI USLOVI

Otvaranje ponuda će se održati dana 21.03.2017. godine, (utorak) u prostorijama Službe za prostorno uređenje i zaštitu okolice općine Srebrenik sa početkom u 13 sati, a postupak javnog konkursa sprovest će Komisija za dodjelu građevinskog zemljišta formirana od strane Općinskog vijeća Srebrenik.

Lica koja steknu pravo na postavljanje predmetnih ljetnih bašta, a naknadno odustanu, gube pravo na povrat depozita.

Podrobnije informacije o lokacijama mogu se dobiti svakim radnim danom u prostorijama Službe za prostorno uređenje i zaštitu okolice općine Srebrenik od 7,30-16 sati.

Nepotpune i neblagovremene prijave neće se uzeti u razmatranje.

OPĆINSKI NAČELNIK

Dr. sci. Omerović Nihad